

瓊山縣志卷之三

輿地志五

山類

附巖

尚

抱耳山在城內道署西高三丈餘

阮通志

龍文山在府署後高三丈餘明知府林有祿培築

同上

三台峯在府學宮後脈自抱耳龍文聯絡排列如

三台然

郡志

瓊山在縣南六十里白石都土石白如玉而潤縣

因以名種蘋其上特美所產檳榔尤佳下有瓊

山白石二村

舊志增下俱舊志

雁塔三元峯在縣南一里平崗一峯尖秀如筆水

環其卜朝拱兩庠以宋姜唐佐始登第得名元至正中守帥築雁塔亭於上聯左兩峯爲三萬厯九年副使唐可封移郡庠三元碑豎於中峯爲雁塔三元

蒼屹山在縣南二里許洗馬橋南石峯屹立傍有石壁刻云盤龍屈曲自何方起伏回翔幾里長初無方長二字後人續成句子其陰有仙人洞又名紫霞洞

舊志增

靈山舊名黑山在縣東南十五里英岳都俗名聖山喬木陰翳自北渡海中洋望之卽見及抵其地則不甚矣兀上有靈山祠所祀之神有六曰

靈山曰香山曰瓊崖曰通濟曰定邊曰班師禱
雨多應以三月初九日爲祭期其官市曰靈山
市舊志增

陶公山在縣東南五十里原名扶山左有五嶺一
曰從衡二曰思崗三曰光螺四曰居磔五曰居
林遞相擁護昔有陶公得道於此故又名陶公
山道書第二十四福地也舊有陶公墓山下有
巨潭合外三十六曲水達大江其西有蒼巡洞
中有二井舊志增

瓊崖神嶺在縣南二十里東潭都平地起峯高十
餘丈卽古珠崖郡城址中有神廟

西石山嶺在縣西四十里上石山都高三十餘丈
一名馬鞍嶺爲邑主山上有井與海通泉出清
冽有洞可容數百人舊有石鼎丹爐在挺峯之
下鄉人以爲祭神祈雨之所時有金牛出現西
南一里有遞蓮崗稍西爲龍廊崗

舊志增

東石山嶺在縣南七十里博埋都一名美丙嶺四
畔平原中突一峯狀若交椅石上有巨人跡舊
傳仙遊於此前置巡檢司今廢 按山在舊州
一名舊州嶺高與西石山嶺埒

潭龍嶺在城東北二十里坐之可望黎母諸山其
下有泉分兩臂並趨西南一泉中湧名曰卓錫

泉景泰禪師古蹟

景泰禪師宋僧和靖也。舊志增

虎村嶺在縣西南五十里雷虎都高二十丈許一

名波秋嶺一名雷虎山亦名虎蹲嶺其勢自西

石山蜿蜒而來至是挺起狀若虎踞山下有溪

流爲西南湖其南有鴉卜崗

舊志增

永茂嶺在城西南五十里遵都圖高十餘丈嶺上

一片平陽有小墩六迴環盤繞人以爲上應六

府星康熙年間鄉里置一神廟有一石由小而

大幾滿廟中號石母神道光年間又建一文昌

閣西南有一崗卽鴉卜崗

殊

赤嶺上弦阿在桂林都黃天疆遊息處景致頗幽

每端陽重九少長遊集元林無我有詩題咏舊志

順村嶺在縣東三十里演順都平陂起峯四望森

鬱元僧無我建塔於上其右爲龍盧洞舊志

了髻嶺在縣東八十里獨坡都高二十餘丈形如

了髻舊志

又縣東南百餘里一嶺形亦如之別

名了髻舊志

據訪

石鼓嶺在縣西南一百六十里西黎都卽南岐嶺

也高二十餘丈中有大石盤圍十丈許扣之聲

如鼓舊志

盤塔嶺在縣南一百七十里西黎都南岐嶺南上

有十三峯下有溫泉舊傳有僧涅槃菴塔於上

因名

龍堆嶺在縣東南八十里那社都又名那社山山下有石初甚小歲久漸大鄉人結茅祠祀以爲神至今高五尺許所禱輒應

同上

赤石崗在城西南五十里文盛都在多赤色而輕

既通志

雲路山在城西南六十里高十餘丈中有三潭上一潭林木陰森人不敢近其次二潭生小石如橄欖有竅可穿俗名橄欖珠歲旱禱雨多應

既通志

白廟墩在城西北三十五里高二十餘丈瀕海岸

上疊起數墩每墩相距十餘里而此居中巍然
特出形類尖帽沙白如雪夜間有光自徐車輪
浦望之可見渡海者以此爲指南土人誤傳其
或隱或現而謂之神墩

訂正
採訪

三嶺在城東北三十里形如貫珠橫攔五指山水
使之屈曲而注於海

採訪
下同

北拱山在城東八里二山聳起如拱北象爲東路
平洋數十里之祖山

雪山在博茂都東湖潘天仙廟前其山土細如粉
皎如雪中有泉味甘美謂之清香泉

福婆社在振文都咸豐三年知縣李文烜禱雨有

應

麒麟山在縣南十五里邕陽圖天陰晴時夜間常有雙燭光燄騰空尋之終不得其所

土鼓阜在城東距石巖洞里許平地突起數阜阜上皆赤石人物蹈之輒應聲如鼓扣以小石噌吰響亮如擊鐘鏞疑此地與石岩相通其中皆一片空洞不然胡爲扣之而其聲淵淵然耶

龍纏崗在城南八十里博盛一都其形如龜上有仙石棋枰旁有甘泉名浮廩井

上田墩在城東五十里儒林都大江中特標一柱聳拔奇異古石嵯峨中有一洞可容數人四面

潮聲湧如旗鼓所產之魚多奇

丙子嶺在城東五十餘里蓮塘村東峯尖而聳上多林木鳥獸常有雲烟變幻於其間

濛見嶺在城南百餘里開文聖鹿二圖間高十餘丈四面白石累疊數十層其巔則產磁石

紅旗嶺在城南百餘里開文圖高四十餘丈其地南界交西界定

瓊山嶺在城東二百里徐宅屯高約數十丈廣約四五里其巔多產海螺

龜墩在城東八十里蘇尋一圖南岳院田中突起一墩高三四尺周圍廣數十丈其形象龜故名

龜墩鄉人祈卜吉凶屢驗

羊角嶺在屯昌市南平洋突起四圍周全無缺頂尖如羊角然年豐則有祥雲掛其角端土人以爲太平之瑞

龍盤崗在郡東二十里張吳都龍盤塘北與龍盧洞相距里許天晴明時陟其巔可望海北諸山元明間村民營墓其上得一石絕奇頭角與龍首酷肖棄之夜有靈光衆驚異爰鑿石室奉之每年五月二十日致祭至今不絕旱禱往往有應

烏嶺在慶善圖方伯張岳崧有詩載藝文

古所嶺在城東南百六十里坡口屯地高數十丈望

海如在咫尺前後左右衆山旋繞如衆星之拱北
嶺上有一大石鄉人祈禱屢應

淩峯嶺在城東南百六十里徐家屯地海旁突起高
數十丈其上多產異螺

孟季嶺在城東南百二十里三峯疊峙次第分明若
孟季然多出磁石置羅經於其上盤針搖動不息
以上俱

舊志

瓊康山俗名瓊皚山在縣南二百七十餘里有苗人
居山下橫直二十餘里高數十仞林木蔭翳有香
木蟲絲艾粉紅藤薯蓣諸木并麋鹿獐猿山猪諸
獸利產甚鉅瓊定二屬均賴其利

橋頭山在蘇尋王國東高丈餘北枕巨沼東繞長溪
行者病涉南宋淳熙年間海南副將馮文備因官
居此造橋以濟行人因以名山

藍玉山在橋頭山之西里許

岷山在蘇尋都東卽明處士黃鉉所隱居之東皋

烏石山在蘇尋都烏石里西山頂圜旋如螺北瞰烏
石橋自橋仰視高三丈餘蜿蜒至西南二百餘步
矗立一石高五尺餘西北壁如削東南低平如席
廣數畝色黝而光澤大溪出其下林木陰翳坐聽
小聲塵襟盡滌

獅子山一名虎龍山在蘇尋都梅峽里西越長溪南

濱其山自東南縣貫至溪矗立四丈餘巉崑削拔

獅子頭故名

墨峯在縣南八十里許高數丈有山巖洞壑之勝明

處士王汝智隱居於此因削其刑名曰墨峯一時

學士文人李珊邱墩陳暉李子長蔡齊宸黃鳳翔

蔡秉乾張紱李昌吳謐等二十餘人有詩有記

明僉事李珊詩不是文章射斗光如何高聳出炎
荒靜觀每愛彤霞近高卧無妨白晝長鹿豕與游
心共適桑麻掩映影低藏山人莫謂渾無事祇恐
徵書下帝旁邱墩詩幽居何處是槐堂淑氣煙
靈有此鄉豈讓人龍荀氏里休論三徑蔣家莊山
中宰相烟霞老海上神仙日月長他日子門崇閣
閱定從翰墨芳傳李詩長黑雲染出色鮮
妍託迹孤高勢插天常引澗泉千丈落不磨崖石
萬年堅閣看詩壁題新字細認丹房帶舊
烟文筆子霄雲路近兒孫同采桂花先

金牛嶺在郡治西十里秀英村前迴環有一里許

神仁嶺在縣西五十里

三峯嶺在縣西五十里

登崇嶺在縣西五十里咸亮墟西上有層巒聳插衆

壑環抱下有茂林脩竹清泉涓涓

羅經地在縣西五十里咸亮墟西濶圓百數十畝深

有丈餘內有淺潭地利甚薄鄉人爭耕之

黎母嶺在水會所南二十里林灣都高六十餘丈長

有六里山林穢雜甚爲崎嶇土人不能登其極二

架傾深巖處有一石宅極爲清幽前後俱有芭蕉

金桶等果宅內似有人跡舊傳有仙遊於此山多

生沈香

鷄嘴嶺在南莖市東南六里南莖都高三十丈許長十二里多產山馬南邊鹿茸以此嶺出者爲正地道其功力勝他嶺十倍

紅茂嶺在水會所南九十里小水崗高四十餘丈有金壙土人常在嶺脚之溪淘金赴南豐市變賣

嶺脚嶺在縣南五十里麻長都嶺脚市東北高數十丈

一字嶺在陶公山北形如一字故名五指山東來之山脈此爲最高

三嶺坡在陶公山南平地突起三嶺俯臨曲水其形